



禮樂志第十一

唐書

翰林學士兼龍圖閣學士朝散大夫給事中

史館脩撰臣歐陽

脩奉

敦撰

自周陳以上雅鄭淆雜而無別隋文帝始分雅俗
 一部至唐更曰部當凡所謂俗樂者二十有八調
 正宮高宮中呂宮道調宮南呂宮仙呂宮黃鍾宮
 為七宮越調大食調高大食調雙調小食調歇指
 調林鍾商為七商大食角高大食角雙角小食角
 歇指角林鍾角越角為七角中呂調正平調高平
 調仙呂調黃鍾羽般涉調高般涉為七羽皆從濁

至清迭更其聲下則益濁上則益清慢者過節急者流蕩其後聲器浸殊或有宮調之名或以倍四為度有與律呂同名而声不近雅者其宮調乃應夾鍾之律燕設用之絲有琵琶五絃箏篴箏竹有鬲箏簫簫笛匏有笙箏有杖鼓第二鼓第三鼓腰鼓大鼓士則附革而為鞞木有拍板方響以體金應石而備八音倍四本屬清樂形類雅音而曲出於胡部復有銀字之名中管之格皆前代應律之也後人失其傳而更以異名故俗部諸曲悉雅樂周隋管絃雜曲數百皆四樂樂也鼓無舞

龜茲樂也唯琴工猶傳楚漢舊戶及清調蔡邕五弄楚調四弄謂之九弄隋亡清樂散缺存者總六十二曲其後傳者平調清調周房中樂遺声也白雪楚曲也公莫舞漢舞也巴渝漢高帝命工人作也明君漢元帝時作也明之君漢鞞舞曲也鐸舞漢曲也白鳩吳拂舞曲也白紵吳舞也子夜晉曲也前溪晉車騎將軍沈琡作也團扇晉王珉歌也懊儂晉隆安初謠也長史交晉司徒左長史王盛作也丁督護晉宋閒曲也讀曲宋人為彭城王義康作也烏夜啼宋臨川王義慶作也石城宋臧質

作也莫愁石城樂所出也襄陽宋隨王誕作也烏
夜飛宋沈攸之作也估客樂齊武帝作也楊叛北
齊歌也驍壺投壺樂也常林歡宋梁間曲也三洲
商人歌也採桑三洲曲所出也玉樹後庭花堂堂
陳後主作也泛龍舟隋煬帝作也又有吳声四時
歌雅歌上林鳳雛平折命嘯等曲其声与其辭皆
訛失十不傳其一二蓋唐貞太宗高宗作三大舞
雜用於燕樂其他諸曲出於一時之作雖非純雅
尚不至於淫放武后之禍繼以中宗昏亂固無足
言者玄宗為平王有散樂一部定韋后之難頗有

預謀者及即位命寧王李范蒲邱樂以充太常分兩
朋以爲優劣置內教坊於蓬萊宮側居新声散樂
倡優之伎有謂詐而賜金帛朱紫者酸棗縣尉袁
楚客上疏極諫初帝賜第隆慶坊坊南之地變爲
池中宗常泛舟以厭其祥帝即位作龍池樂舞者
十有二人冠芙蓉冠躡履備用雅樂唯無言石又作
聖壽樂以女子衣五色繡襦而舞之又作小破陣
樂舞者被甲冑又作光聖樂舞者易冠畫衣以歌
王迹所興又分樂爲二部堂下立奏謂之立部伎
堂上坐奏謂之坐部伎太常閑坐部不可教者隸

立部又不可教者乃習雅也工部八一安舞二太平樂三破陣樂四慶善樂五大定樂六上元樂七聖壽樂八光聖樂安舞太平樂周階遺音也破陣樂以下皆用大鼓雜以龜茲樂其聲震厲大定樂又加金鉦慶善舞額用西涼樂聲頗閑雅每享郊廟則破陣上元慶善三舞皆用之坐部伎六一燕樂二長壽樂三天授樂四白鳥歌萬歲樂五龍池樂六小破陣樂夫授鳥歌皆武后作也天授年名鳥歌者有一人能人言萬歲因以制樂自長壽樂以下用龜茲唯龍池樂則不耳是時民間以帝自濶州

還京師舉兵夜半誅韋皇后制夜半樂還京樂二曲帝又作文成曲與小破陣樂更奏之其後河西節度使楊敬忠獻霓裳羽衣曲十二遍凡曲終必遠唯霓裳羽衣曲將畢引聲益緩帝方寤喜神仙之事詔道士羽馬承禎製玄真道曲茅山道士李會元製大羅天曲工部侍郎賀知章製紫清上聖道曲太清宮成太常卿韋絳製景雲九真樂極小長壽奉天順天樂六曲又製商調君臣相遇樂曲初隋有法曲其音清而近雅其器有鏡鈸鐘磬箏琵琶琴瑟圍體脩頸而小號曰秦漢子蓋絃

之遺製出於胡中傳爲秦漢所作其聲金石絲竹
以次作隋煬帝厭其聲澹曲終復加解音玄宗既
知音律又酷愛法曲選坐部伎子弟三百教於梨
園聲有誤者帝必覺而正之號皇帝梨園弟子宮
女數百亦爲梨園弟子居宜春北院梨園法部更
置小部音聲三十餘人帝幸驪山楊貴妃生日命
小部張樂長生殿因奏新曲未有名會南方進荔
枝因名曰荔枝香帝又好羯鼓而寧王善吹橫笛由
達官大臣慕之皆喜言音律帝常稱鼓八音之
領裏諸樂不可方也本戎羯之樂其音大簇一

均龜茲高昌疏勒天竺部皆用之其聲雋殺特異
衆樂開元二十四年升胡部於堂上而天寶樂曲
皆以邊地名若涼州伊州甘州之類後又詔道調
法曲与胡部新声合作明年安祿山反涼州伊州
甘州皆陷吐蕃唐之盛時凡樂人音声人太常雜
正子弟隸太常及鼓吹署皆番上總號音声人至
數萬人玄宗又嘗以馬百匹盛飾分左右施三重
榻舞傾盃數十曲壯士擊榻馬不動樂工少至姿
秀者十數人衣黃衫文玉帶立左右每千秋節舞
於勤政楼下後賜宴設脯亦會勤政樓其日未明

金吾引駕騎北衙四軍陳仗列旗幟被金甲短後
繡袍太常卿引雅樂每部數十人前以胡夷之技
內閒廐使引戲馬五坊使引象犀入場拜舞宮人
數百衣錦繡衣出帷中擊雷鼓奏小破陣樂歲以
為常千秋節者玄宗以八月五日生因以其日名
節而君臣共為荒樂當時流俗多傳其事以為盛
其後巨盜起陷兩京自此天下用兵不息而離宮
苑囿遂以荒堙獨其餘吉遺曲傳人聞者為之
悲涼感動蓋其事適足為戒而不足考法故不復
著其詳自肅宗以後皆以生日為節而德宗不立

節然止於羣臣稱觴上壽而已代宗繇廣平王復
二京梨園供奉官劉日進製寶應長寧樂十八曲
以獻皆宮調也大曆元年又有廣平太一樂涼州
曲本西涼所獻也其聲本宮調有大遍小遍貞元
初樂工康崑崙寓其聲以琵琶奏於玉宸殿因號
五宸宮調合諸樂則用黃鍾宮其後方鎮多製樂
舞以獻河東節度馬燧獻定難曲昭義軍節度使
王虔休以德宗誕辰未有大樂乃作繼天誕聖樂
以宮為調帝因作中和樂舞山南節度使于頓文
獻順聖樂曲將半而行綴皆伏一人舞於中又令

文伎為侑舞雄健壯妙號孫武順聖樂文宗好雅
樂詔太常卿馮定采開元雅樂製雲韶法曲及霓
裳羽衣舞曲雲韶樂有五磬四虜琴瑟筑簫箏箏
跋膝笙等皆一登歌四人分立堂上下童子五人
綉衣執金蓮花以導舞者三百人階下設錦筵遇
內宴乃奏謂大臣曰笙磬同音沈險忘味不圖為
樂至於斯也自是臣下功高者輒賜之樂成改法
曲為仙韶曲會昌初宰相李德裕命樂工製萬斯
年曲以獻大中初太常樂工五千餘人俗樂一千
五百餘人宣帝每宴羣臣備百戲帝製新曲教文

於數十百人衣珠翠纓繡連袂而歌其樂有播皇
猷之曲舞者高冠方履喪衣博帶趨走俯仰中於
規矩又有葱嶺西曲士女踏歌為隊其詞言葱嶺
之民樂河湟故地歸唐也咸通閒諸王多習音聲
倡優雜戲天子幸其院則迎駕奏樂是時潯鎮稍
復舞破陣樂然舞者衣畫甲執旗旆纒十人而已
蓋唐之盛時樂曲所傳至其末年往往下缺周隋
與北齊陳接壤故歌舞雜有四方之樂至唐東夷
與有高麗百濟北狄有鮮卑吐谷渾部落稽南蠻
有扶南天竺南詔驃國西戎有高昌龜茲疏勒康

國安國凡十四國之樂而八國之伎列于十部樂
中宗時百濟樂工人亡散岐王為太常卿復奏置
之然音伎多闕舞者二人紫大襲裙襦章甫冠衣
履樂有箏笛桃皮箏角篋箏瑟侯歌而已北狄樂皆馬
上之聲自漢後以為鼓吹亦軍中樂馬上奏之故
隸鼓吹署後魏樂府初有北歌亦曰具人歌都代
時命宮人朝夕歌之周隋始與西涼樂雜奏至唐
存者五十三章而名可解者六章而已一曰慕容
可汗二曰吐谷渾三曰部落稽四曰鉅鹿公主五
曰白淨王六曰太子止喻也其餘辭多可汗之辭

蓋燕魏之際鮮卑歌也隋鼓吹有其曲而不同自
觀中將軍侯貴昌并州人山傳北歌詔隸太樂然
譯者不能通歲久不可辨矣金吾所掌有大角即
魏之鼗還回工人謂之角手以備鼓吹南蠻北狄
俗斷髮故舞者以繩圍首約髮有新聲自河西至
者號胡音龜茲教樂皆為之少息扶南樂舞者二
人以朝霞為衣赤皮鞋天竺伎能自斷手足刺腸
胃高宗與其驚俗詔不令入中國睿宗時婆羅門
國獻人倒行以足舞仰植錫刀俯身就鋒歷臉下
復植於背屬葉者五腹上紵曲而不傷又伏伸其

手二人躡之周旋百轉開元初其樂猶與四夷樂
同列貞元中南詔異牟尋遣使詣劍南西川節度
使韋皋言欲獻夷中歌曲且令驃國進樂皋乃依
南詔奉聖樂用黃鍾之均舞六成工六十四人贊
引二人序曲二十八疊執羽而舞南詔奉聖樂字
曲將終雷鼓作於四隅舞者皆拜金聲作而起執
羽稽首以象朝觀每拜跪節以鉦鼓又為五均一
曰黃鍾宮之宮二曰太簇商之宮三曰姑洗角之
宮四曰林鍾徵之宮五曰南呂羽之宮其文義繁
雜不足復紀德宗尚於麟德樂以授太常士人自
是殿庭宴則立奏宮中則生奏十七年驃國王雍
羌遣弟悉利移城主舒雅陀獻其國樂至成都韋
皋復譜次其聲又圖其舞容樂器以獻凡工器二
十有二其音八金貝絲竹匏革牙角大抵皆夷狄
之器其聲曲不隸於有司故無米云

禮樂志第十二

儀衛志第十三上

唐書二十三上

翰林學士兼龍圖閣學士朝散大夫給事中知制誥充
史館修撰臣歐陽 脩奉 敕撰

唐制天子居曰衙行曰駕皆有衛有嚴羽葆華蓋
旌旗罕畢車馬之衆盛矣皆安徐而不譁其人君
舉動必以扇出入則撞鍾庭設樂宮道路有鹵簿
鼓吹禮官百司必備物而後動蓋所以為慎重也
故慎重則尊嚴尊嚴則肅恭夫儀衛所以尊君而
肅臣其設聲容文采雖非三代之制至其盛也有足
取焉衙凡朝會之夜三衛番上分為五仗號衙內

五衛一曰供奉仗以左右衛為之二曰親仗以親衛為之三曰勳仗以勳衛為之四曰胡仗以胡衛為之皆服鷩冠緋衫袂五曰散手仗以親勳胡衛為之服緋純襪襜野馬皆帶刀捉仗列坐于東西廊下每月以四十六人立內廊閣外號曰內仗以左右金吾將軍當上中郎將一人押之有押官有知隊仗官朝堂置左右引駕三衛六十人左右衛三衛年長者直能糾劾者為之分五番有引駕仗飛六十六人以仗飛越騎步射為之分六番每番皆有主帥一人坐日引駕升殿金吾大將軍

各一人押之號曰押引駕官中郎將郎將各一人檢校引駕事又有千牛仗以千牛備身備身左右為之千牛備身冠進德冠服袴褶備身左右服如三衛皆執御刀弓箭升殿列御座左右內外諸門以排道人帶刀捉仗而立號曰立門仗宣政左右門仗內仗皆分三番而立號曰交番仗諸衛有掖門隊長槍隊承天門內則左右衛掖門隊列東西廊下門外則左右驍衛掖門隊列東西廊下長樂永安門內則左右威衛掖門隊列東西廊下門外則左右領軍衛掖門隊列東西廊下嘉德門內則左右

武衛披門隊列東西廊下車駕出皇城則披門隊
皆從長槍隊有漆槍木槍白檠槍樸頭槍每夜第
一擊擊諸隊仗佩弓箭胡祿出鋪立廊下按稍張
弓捻箭設弩第一擊擊後擊鍾訖持更者舉稍鍾
聲絕則解仗一點持更人按稍持弓者穩箭鳴號
諸衛仗隊皆分更行探宿衛門崗仗隊黎甲最環
左摩餘仗隊唯持更人最一具供奉散手仗亦持
更最甲亦朝第一鼓鼓訖持更稍皆舉張弓者攝
箭收弩立門隊及諸隊仗皆立於廊下第二鼓擊
聲絕按稍弛弓收鋪訖開披門隊立於階下復一

刻立門仗皆復舊內外仗隊立於階下元日冬至
大朝會宴見蕃國王則供奉仗散手仗立於殿上
黃麾仗樂縣五路五副路駕車輿輦織一翰一陳
于庭扇一百五十有六三衛二百人執之陳于兩
廂黃麾仗左右廂各十二部十二行第一行長戟
六色斃領軍衛赤斃威衛青斃重斃武衛鴛鴦斃
衛白斃左右衛黃斃黃地雲花襖冒第二行儀銜
五色幡赤地雲花襖冒第三行大稍小孔雀斃黑
地雲花襖冒第四行小戟刀楯白地雲花襖冒第
五行短戟大五色鸚鵡毛斃青地雲花襖冒第六

行細射弓箭赤地四色雲花襖冒第七行小鞘小
五色鸚鵡毛氅黃地雲花襖冒第八行金花朱滕
絡楯刀赤地雲花襖冒第九行戎鷄毛氅黑地雲
花襖冒第十行細射弓箭白地雲花襖冒第十一
行大鈹白氈青地雲花襖冒第十二行金花綠滕
絡楯刀赤地四色雲花襖冒十二行皆有行滕鞋
鞞前黃氅收首左右廂各二部部十二行行十人
左右領軍衛折衝都尉各一人領主帥各十人師
子袍冒次左右廂皆一部部十二行行十人左右
威衛果毅都尉各一人領主帥各十人豹文袍冒

次廂各一部部十二行行十人左右武衛折衝都
尉各一人主帥各十人次廂各一部部十二行行
十人左右衛折衝都尉各一人主帥各十人次當
御廂各一部部十二行行十人左右衛果毅都尉
各一人主帥各十人次後廂各一部部十二行行
十人左右驍衛折衝都尉各一人主帥各十人次
後廂各二部部十二行行十人左右武衛果毅都
尉各一人主帥各十人次後左右廂各一部部十
二行行十人左右威衛折衝都尉各一人主帥各
十人次後左右廂各一部部十二行行十人左右

威衛果毅都尉各一人主帥各十人次後左右廂各
一人部十二行行十人左右領軍衛果毅都尉各一
人主帥各十人次盡後左右廂軍衛主帥各十人
護後被師子文袍冒左右領軍衛黃麾仗首尾廂
皆絳引幡二十引前十掩後十廂各獨揭鼓十二
重重二人赤地雲花襖冒行滕鞋護居黃麾仗外
每黃麾仗一部鼓一左右衛左右驍衛左右武衛
左右威衛將軍各一人大將軍各一人左右領軍
衛大將軍各一人檢校被繡袍次左右衛黃旗仗
立丁兩階之次整甲弓箭刀楯皆黃隊有主帥以
下四十人皆戎服被大袍二人引旗一人執二人
夾二十人執稍餘佩弩弓箭第一麟旗隊第二角
端旗隊第三赤熊旗隊折衝都尉各一人檢校戎
服被大袍佩弓箭前橫刀又有夾載隊廂各六隊隊三
十人胡木整眊蜀鎧懸鈴覆膊錦臂鞞白行滕紫
帶鞋鞞持獷楯刀廂各折衝都尉一人果毅都尉
二人檢校冠進德冠被紫緇連甲緋繡葵花文袍
第一隊第四隊朱質整鎧緋絳第二隊第五隊白
質整鎧紫袴第三隊第六隊黑質整鎧皂絳次左
右驍衛赤旗仗坐于東西廊下整甲弓箭刀楯皆

赤主帥以下如左右衛第一鳳旗隊第二飛黃旗
隊折衝都尉各一人檢校第三吉利旗隊第四兜
旗隊第五太平旗隊果毅都尉各一人檢校又有
親勳翊衛仗廂各三隊厭角隊皆有旗一人執二
人引二人夾校尉以下翊衛以上三十五人皆平
巾幘緋襖襜褕大口袴帶橫刀執稍二十人帶弩四
人帶弓箭十一人第一隊鳳旗大將軍各一人主
之第二隊飛黃旗將軍各一人主之第三隊吉利
旗郎將一人主之次左右武衛白旗仗居翊衛之
次整甲弓箭刀楯皆白主帥以下如左右衛第一

五牛旗隊黃旗居內赤青居左白黑居右各八人
執第二飛麟旗隊第三馱蹏旗隊第四鸞旗隊果
毅都尉各一人檢校第五犀朱旗隊第六駿驥旗
隊第七騏驎旗隊第八驪駟旗隊折衝都尉各一
人檢校持釵隊果毅都尉各一人校尉二人檢校
前隊執銀裝長刀紫黃綬紛絳別幡一金節十一
分左右次罕畢朱雀幢義青龍白虎幢道蓋義各
一自絳引幡以下執者服如黃麾執罕畢及幢者
平陵冠朱衣韋帶左罕右畢左青龍右白虎稱長
一人出則告警服如黃麾元釵戟隊各一百四十四

人分左右三行雁踔服如黃麾果毅執青龍等旗
將軍各一人檢校旅帥二人執銀裝長刀紫黃綬
紛檢校後隊次左右威衛黑旗仗立于階下蓋車
弓箭楯稍皆黑主帥以下如左右衛第一黃龍負
圖旗隊第二黃鹿旗隊第三騶牙旗隊第四蒼烏
旗隊果毅都尉各一人檢校次左右領軍衛青旗
仗居威衛之次蓋車弓箭楯皆青主帥以下如
左右衛第一應龍旗隊第二青馬旗隊第三三角
獸旗隊果毅都尉各一人檢校第四曰狼旗隊第
五龍馬旗隊第六金牛旗隊折衝都尉各一人檢

校又有交仗步甲隊將軍各一人校交仗左右
廂千人廂別二百五十人執交二百五十人執义
皆赤地雲花襖冒行膝鞋護交义以次相間左右
領軍衛各一百六十人左右武衛各一百人左右
威衛左右驍衛左右衛各八十人左右廂有主帥
三十八人平巾幘緋袖襜大口袴執儀刀廂有左
右衛各三二人左右驍衛左右武衛左右威衛左右
領軍衛各四人以主交仗被豹文袍冒領軍衛師
子文袍步甲隊從左右廂各四十八前後皆二十
四每隊折衝都尉一人主之被繡袍每隊一人戎

服大袍帶橫刀執旗二人引二人夾皆戎服大袍帶弓箭橫刀隊別三十人被甲臂鞬行膝鞋鞮每一隊整甲覆膊執弓箭一隊胡木整及牝蜀鎧覆膊執刀楯積相聞第一隊赤質整甲赤弓箭折衝都尉各一人主之執鵝雞旗第二隊赤質整鎧赤刀楯積果毅都尉各一人主之執豹旗第三隊青質整鎧青刀楯積果毅都尉各一人主之第四隊青質整鎧甲黑弓箭左右威衛折衝都尉各一人主之第五隊黑質整鎧甲黑弓箭左右威衛折衝都尉各一人主之第六隊黑質整鎧鎧黑刀楯積果毅都尉各一人主之第七隊白質整鎧甲白弓箭左右武衛折衝都尉各一人主之第八隊白質整鎧鎧白刀楯積果毅都尉各一人主之第九隊黃質整鎧甲黃弓箭左右驍衛折衝都尉各一人主之第十隊黃質整鎧鎧黃刀楯積果毅都尉各一人主之第十一隊黃質整鎧甲黃弓箭左右衛折衝都尉各一人主之第十二隊黃質整鎧鎧黃刀楯積果毅都尉各一人主之次後第一隊黃質整鎧鎧黃刀楯積左右衛折衝都尉各一人主之至第十二隊與前同次左右金吾衛辟邪旗隊折衝都尉各一人檢校又有清游隊朱雀隊玄武

隊清游隊建白澤旗二各一人執帶橫刀二人引
二人夾皆帶弓箭橫刀左右金吾衛折衝都尉各
一人帶弓箭橫刀各領四十人皆帶橫刀二十人
持稍四人持弩十六人帶弓箭朱雀隊建朱雀旗
一人執引夾皆二人金吾衛折衝都尉一人主之
領四十八人二十人持稍四人持弩十六人帶弓箭
人二人持標稍皆佩橫刀標稍以黃金塗末龍旗
十二執者戎服大袍副竿二各一人執戎服大袍
分左右果毅都尉各一人主之大將軍各一人檢
校二隊玄武隊建玄武旗一人執二人引二人夾

平巾幘黑柵襠黑袂大口紗左右金吾衛折衝都
尉各一人主之各領五十人持稍二十五人持弩
五人帶弓箭二十人又二人持標稍諸衛挾門隊
長槍隊與諸隊相闕朝日殿上設黼衮躡席重筵
香案御史大夫領屬官至殿西廡從官朱衣傳呼
促百官就班文武列于兩觀監察御史二人立於
東西朝堂輓道以泄之平明傳點畢內門開監察
御史領百官入夾階監門校尉二人執門籍曰唱
籍既視籍曰在入畢而止次門亦如之序班于通
乾觀象門南武班居文班之次入宣政門文班自

東門而入武班自西門而入至閣門亦如之夾階
校尉十人同唱入畢而止宰相兩省官對班于香
案前百官班于殿庭左右巡使二人分蒞于鍾鼓
樓下先一品班次二品班次三品班次四品班次
五品班每班尚書省官爲首武班供奉者立于橫
街之北次千牛中郎將次千牛將軍次過狀中郎
將一人次接狀中郎將一人次押柱中郎將一人次
押柱中郎一人次排階中郎將一人次押散手仗
中郎將一人次左右金吾衛大將軍凡殿中省監
少監尚衣尚舍尚輦奉御分左右隨繖扇而立東
宮官居上書室官之次王府官又次之唯二太三
少賓客庶子主簿隨本品侍中奏外辦皇帝步出
西序門索扇合皇帝升御座扇開左右留扇各
三左右金吾將軍一人奏左右廂內外平安通事
舍人贊聲相兩省官再拜升殿內謁者承旨喚仗
左右羽林軍勘以木契自東西閣而入內侍省五
品以上一人引之左右衛大將軍將軍各一人押
之二十人以下入則不帶仗三十人入則左右廂
監門各二人千牛備身各四人三衛各八人金吾
一人百人入則左右廂監門各六人千牛備身各

四人三衛三十三人金吾七人二百人則增以左
右武衛威衛領軍衛金吾衛翊衛等凡仗入則左
右廂加一人監捉永巷御刀弓箭及三衛帶刀入
則曰仗入二衛不帶刀而入則曰監引入朝罷皇
帝步入東序門然後放仗內外仗隊七刻乃下常
參輟朝日六刻即下宴番客日隊下復立半仗于
兩廊朔望受朝及蕃客辭見如曩稍隊儀仗減半
凡千牛仗立則全仗立太陽虧昏塵大霧則內外
諸門皆立仗泥雨則延三刻傳點駕大駕鹵簿天
子將出前二日六樂令設宮縣之樂於庭書漏上
五刻駕發前發七刻擊一鼓為一嚴前五刻擊二鼓
為再嚴侍中版奏請中嚴有司陳鹵簿前二刻擊
三鼓為三嚴諸衛各督其隊與鉞戟以次入陳殿
庭通事舍人引羣官立朝堂侍中中書令以下奉
迎於西階侍中負寶璽黃令進路於太極殿西階
南向千牛將軍一人執長刀立路前北向黃門侍
郎一人立侍臣之前贊者二人既外辦太僕卿攝
衣而升正立執轡天子乘輿以出降自西階曲直
華蓋繼踵侍衛千牛將軍前執轡天子升路太僕
卿授綏侍中中書令以下夾侍黃門侍郎前奏請

發鑾駕動敬言蹕鼓傳音黃門侍郎與贊者夾引而出千牛將軍夾路而趨駕出承天門侍郎乘馬奏駕少留敕侍臣乘馬侍中前承制退稱制曰可黃門侍郎退稱侍臣乘馬贊者承傳侍臣皆乘侍衛之官各督其屬左右翊駕在黃麾內符寶郎奉六寶與殿中後部從在黃鉞內侍中中書令以下夾侍路前贊者在供奉官內侍臣乘畢侍郎奏請車右升侍中前承制退稱制曰可侍郎復位千牛將軍升侍郎奏請發萬年縣令先導次京兆牧天常卿司徒御史大夫兵部尚書皆乘路內簿如本品次清游隊次左右金吾衛南大將軍各一人帶刀箭橫刀檢校龍旗以前朱雀等隊各二人持襍稍騎夾次左右金吾衛果毅都尉各一人帶刀箭橫刀領夾道鐵甲仗飛次虞候仗飛四十八騎平巾幘緋襖襜大口絳帶弓箭橫刀夾道分左右以屬黃麾仗次外鐵甲仗飛二十四人帶弓箭箭橫刀甲騎具裝分左右兩廂皆六重以屬步甲隊次朱雀隊次指南車記里鼓車白鷺車鸞旗車辟惡車皮軒車皆四馬有正道匠一人駕士十四人皆平巾幘大口絳緋衫太卜令一人居辟惡車服如仗飛執弓

箭左金吾衛隊正一人居皮軒車服平巾幘緋襪
襜銀裝儀刀紫黃綬紛執弩次引駕十二重重二
人皆騎帶橫刀白皮軒車後屬于細仗前稍弓箭
相間左心金吾衛果毅都尉各一人主之次鼓吹
次黃麾仗一執者武弁朱衣革帶二人夾次殿中
侍御史二人導次太史監一人書令史一人騎引
相風行漏壘次相風壘正道匠一人舉士八人服
如正道匠吹柶鼓金鉦司辰典事匠各一人刻漏
生四人分左右次行漏壘上道匠一人舉士十四
人次持斂前隊次御馬二十四分左右各一人馭
次尚乘奉御一人書令史二人騎從次左青龍右
白虎旗執者一人服如正道匠引夾各二人皆騎
次左右衛果毅都大各一人各領二十五騎二十
人執稍四人持弩一人帶弓前行儀刀仗前次通
事舍人四人在左四人在右侍御史一人在左一
人在右御史中丞一人在左一人在右左拾遺一人
在左右拾遺一人在右左補門一人一左右補門一
人在右起居郎一人在左起居舍一人一人在右諫議
大夫一人在左一人在右給事中二人在左中書舍
人二人在右黃門侍郎二人在左中書侍郎二人在

右左散騎常侍一人左右散騎常侍一人左右侍
中二人在左中書令二人在右通事舍人以下皆一
人從次香鑪一有衣一以黃龍執者四人服如折
衝都尉次左右衛將軍二人分在左右領班劔儀刀
各一人從次班劔一刃左右廂各十二行第一左
右衛親衛各五十二人第二左右衛親衛各五十
五人第三左右衛一衛各五十七人第四左右衛
勳衛各五十九人各執金一裝班劔一朱綬紛第
五左右行翊一各六十一人第六左右衛翊衛各
六十二人第七左右衛翊衛各六十五人第八左

右驍衛各六十七人各執金銅裝儀刀綠綬紛
第九左右武衛翊衛各六十九人第十左右威衛
翊衛各七十一人第十一左右領軍衛翊衛各七
十三人第十二左右金吾衛翊衛各七十五人各
執銀裝儀刀紫黃綬紛自第一行有曲折三人陪
後門每行加一人至第十二行曲折十四人次左
右廂諸衛中郎將主之執班劔儀刀領親勳翊衛
次左右衛郎將各一人皆領散手翊衛三十人佩
橫刀騎居副仗稍翊衛內次左右驍衛郎將各一
人各領翊衛二十八人甲騎具裝執副仗稍居散

手衛外次左右衛供奉中郎將郎將四人各領親
勳並衛四十八人帶橫刀一分左右居三衛仗內
次玉輅駕六馬大僕御馭之駕士三十二人凡五
路皆有副駕士皆平巾幘大口絳衫從路色玉路
服青衫千牛衛將軍一人陪乘執公裝長刀左右
衛大將軍各一人騎夾皆一人從居供奉官後次
千牛衛將軍一人中郎將二人皆一人從次千牛
備身備身左右二人騎居玉路後帶橫刀執御刀
弓箭次御馬二各一人馭次左右監門校尉二人
騎執銀裝儀刀居後門內次衛門旗二人執四人

夾皆騎赤其襖黃冒黃袍次左右監門校尉各十
二人騎執銀裝儀刀督後門十二行仗頭皆一人
次左右衛衛尉各二隊居副仗稍外次左右衛
夾轂廂各六隊次六織二執者騎橫行居衛門後
次雉尾障扇四執者騎夾織次翬翬翬士八人次
小團雉尾扇四方雉尾扇十二花蓋二皆執者一
人夾翬翬白大織以下執者服皆如折衝都尉次
掌輦四人引輦次大輦一主輦二百人平巾幘黃
絲布衫大口絳紫誕帶紫行勝鞋鞮尚輦奉御二
人主翬翬各書公史二人騎從次殿中少監一人

督諸局供奉事一人從次諸司供奉官次御馬二十四各二人馭分左右次尚乘直長二人平巾幘緋袴褶書令史二人騎從居御馬後次持釵隊次大織二雉尾扇八夾織左右橫行次小雉尾扇朱畫團扇皆十二左右橫行次花蓋二义二次俾倪十二左右橫行次玄武幢一义一居絳麾內次絳麾二左右夾玄武幢次細稍十二孔雀為駝左右橫行居絳麾後自釵戟以下執者服如黃麾仗唯玄武幢執者服如竿畢次後黃麾執者一人夾二人皆騎次殿中侍御史二人分左右各八人史二人

騎從居黃麾後次大角次方輦一主輦二百人次小輦一主輦六十人吹小輦一奉輿十二人如主輦次尚輦直長一人分左右檢校輦輿皆書令史二人騎從次左右武衛五牛旗輿五赤青居左黃居中白黑居右皆八人執之平巾幘大口袴衫從旗色左右威衛隊正各一人主之騎執銀裝長刀次乘黃令一人丞一人分左右檢校玉路皆府史二人騎從次金路象路革路木路皆駕六馬駕士三十二人次五副路皆駕四馬駕士二十八人次耕根車駕六馬駕士三十二人安車四望車

皆駕四馬駕士二十四人次羊車駕果下馬一小
史十四人次屬車十二乘駕牛駕士各八人次門
下中書秘書殿中四省各官各一人騎分左右夾
屬車各五人從唯符寶以十二人從次黃鉞車上
建黃鉞駕二馬左武衛隊正一人在車駕士十二
人次豹尾車駕二馬右武衛隊正一人在車駕士
十二人次左右威衛折衝都尉各一人各領掩後
二百人步從五十人為行大戟五十人刀楯楨五
十人弓箭五十人弩五十人皆黑蓋甲後膊臂鞬
橫行次左右領軍衛將軍二人領步甲隊及及仗

各二人執褰稍從次前後左右麻步甲隊次左右
廂黃麾仗次左右廂及仗次諸衛馬隊左右廂各
二十四自十二旗後屬于玄武隊前後有主帥以
下四十人皆戎服大袍二人引旗二人執二人夾
二十人執稍餘佩弩弓箭第一辟邪旗左右金吾
衛折衝都尉各一人主之皆戎服大袍佩弓箭橫
刀騎第二應龍旗第三五馬旗第四三角獸旗左
右領軍衛果毅都尉各一人主之第五黃龍負圖
旗第六黃鹿旗左右威衛折衝都尉各一人主之
第七飛麟旗第八駃騠旗第九鸞旗左右武衛果

殺都尉各一人主之第十鳳旗第十一飛黃旗左
右驍衛折衝都尉各一人主之第十二麟旗第十
三角端旗以當御第十四赤熊旗左右衛折衝都
尉各一人主之第十五兕旗第十六太平旗左右
驍衛果毅都尉各一人主之第十七羣牛旗第十
八駃騠旗第十九驪騮旗左右武衛折衝都尉各
一人主之第二十騶牙旗第二十一蒼烏旗左右威
衛果毅都尉各一人主之第二十二白狼旗第二十
三龍馬旗第二十四金牛旗左右領軍衛折衝都
尉各一人主之其服皆如第一次玄武隊次衙門

一居玄武隊前大戰隊後執者二人夾四人皆騎
分左右赤綦襖黃袍黃冒次衙門左右廂廂有五
門執夾人同上第一門居左右威衛黑質步甲隊
之後白質步甲隊之前第二門居左右衛步甲隊
之後左右領軍衛黃麾仗之前第三門居左右武
衛黃麾仗之後左右驍衛黃麾仗之前第四門居
左右領軍衛黃麾仗之後左右衛步甲隊之前第
五門居左右武衛白質步甲隊之後黑質步甲隊
之前五門別當步甲隊黃麾仗前馬隊後各六人
分左右戎服大袍帶弓箭橫刀凡衙門皆監門校

尉六人左右執銀裝長刀騎左右監門衛大將軍
將軍中郎將相各巡行校尉二人往來檢校諸門
中郎將各一人騎從左右金吾衛將軍循仗檢校
各二人執褱稍騎從左右金吾衛果毅都尉二人
紆察仗內不法各二人騎從駕所至路南向將軍
降立于路右侍中前奏請傳路天子降乘輿而入
織扇華蓋侍衛駕還一刻擊一鼓為一嚴仗衛還
於塗三刻擊一鼓為再嚴將士布隊仗侍中奏請
中嚴五刻擊二鼓為三嚴黃門侍郎奏請駕發鼓
傳音駕發鼓吹振作入門大樂令命擊蕤賓之鍾

左五鍾皆應鼓祝奏采芟之樂至太極門戛鼓樂
既入鼓祝奏太和之樂回路南向侍中請降路
乘輿乃入織扇侍衛警蹕如初至門受鼓樂止皇
帝入侍中啟奏請解嚴叩鉦將士皆休

儀衛志第十三上

儀衛志第二下

唐書二十三下

翰林 王秉龍圖閣學士朝散大夫給 知制誥 史館撰臣歐陽脩奉教撰

太皇太后皇太后皇太后出尚儀版奏請中殿尚服
率司仗布侍司賓列內命婦於庭西嚮北上六
尚以下詣室迎尚服負寶內僕進車于閣外尚
儀尚奏外班馭者執轡太皇太后乘輿以出華蓋
衛警驛內合從出門太皇太后升車從官皆
乘馬內命婦宮人以次從清游隊旗一執者一人
佩橫刀引交皆一人佩弓箭前積八騎次金吾衛折

衝都尉一人佩橫刀弓箭前領騎四十亦佩橫刀夾
折衝執稍二十人持弩四人佩弓箭十人持襍
稍刀二人次 候仗飛二十八人騎佩弓箭橫刀
夾道分左右以 黃麾仗次內僕令一人在左丞
一人在右各書侍史二人騎從次黃麾一執者一
人夾道二人皆騎次左右廂黃麾仗廂皆三行行
可人第一短戟五色斃執者更地白花其襖冒第
一戈五色斃執者赤地黃花其襖冒第二銀五色
斃執者青地赤花其襖冒左右衛左右威衛左右
武衛左右驍衛左右領軍衛各三行行二十人每

滿以上帥六人土之皆豹文袍冒執鎗右裝長刀
騎唯左右領軍衛減二人每衛果毅都尉一人被
繡袍各一人從左右領軍衛有絳引幡引前者三
掩後者三次內謁者監四人給事二人內常侍二
人內侍少監二人騎分左右皆有內給使一人從
次內給使百二十人平巾幘大口袴緋襪襜分左
右屬于宮人車次偏扇圓扇方扇皆二十四宮人
執之衣絲大 裙襦深衣革帶履分左右次香蹬
一內給使四人輦之居車前次重翟車駕四
馬駕士二十四人次行障六次坐障三皆左右夾

車宮人執之服同執扇次內寺伯二人領寺人六人執衛刀服如內給使夾重翟車次翟輦一執者八人圍雉尾扇二夾輦次大纛四次雉尾扇八左右橫行爲二重次錦花蓋二單行次小雉尾扇朱書扇扇皆十二橫行次錦曲蓋二十橫行爲二重次六柱八分左右自翟輦以下皆內給使執之次宮人車次絳麾二分左右次後黃麾一執者一人夾二人皆次供奉宮人在黃麻步後次厭翟車翟車安車皆駕四馬駕士各二十四人四望車駕士二十二二人限車駕牛駕士十二人次左右

衙門各二每門一人執四人夾皆赤綦襖黃袍冒騎次左右領軍衛兩皆一百五十人執父赤地黃花綦襖冒前屬于黃麾仗後盡鹵簿兩各主帥四人主之皆黃袍冒執鎗石裝長刀騎折衝都尉二人檢校父仗皆一人騎從次衙門一盡鹵簿後父仗內正道每門監用校尉二人主之執銀裝長刀箱各有校尉一人騎佩銀橫刀往來檢校馬減大駕之半太皇太后將還三殿內典引引外命婦出次就位司賓引內命婦出次序立大次之前既外辦馭者執轡太皇太后乘輿出次華蓋等侍

衛如初內命婦以下乘車以從車駕入內與引引
外命婦退駕至正殿門外車駕南嚮尚儀前奏請
降車將士還皇太子出則鹵簿陳于重明門外其
日三刻宮臣皆集於次左庶子版奏請中殿與謁
引宮臣就位侍衛官服其器服左庶子負鹵簿隨
奉迎僕進車若輦于西閣外南嚮內率一人執刀
立車前北嚮中允一人立侍臣之前贊者二人立
中允之前前一刻諸衛之官詣閣奉迎宮臣應從
者各出次立於門外文東武西重行北嚮北左
庶子版奏外辦僕并正位執轡皇太子乘輿而出
內率前執轡皇太子升車僕立授綬左庶子以下
夾侍中允奏請發車動贊者各夾引而出內率夾車
而趨出重明門中允奏請停車侍臣上馬左庶子
前承令退稱令曰諾中允退稱侍臣上馬贊者承
傳侍臣皆騎中允奏請車右升左庶子前承令退
稱令曰諾內率升訖中允奏請發車動鼓吹振作
太傳承車訓導少傳乘車訓從出延喜門家令先
導次率更令參事太保太傅太師皆輶車備齒簿
次清游隊旗一執者一人佩橫刀引夾皆二人亦
佩弓箭橫刀騎次清道率府折衝都尉一人佩弓

箭橫刀領騎三十亦佩橫刀十八人執稍九人挾
己前三人持弩各二人騎從次左左清道率府率
各一人騎佩橫刀弓箭領清道直湯盥及檢校清游
隊各二人執隼稍騎從次外清道直湯盥二十四人
騎佩弓箭橫刀夾道次龍旗六各一人騎執佩橫
刀戎服大袍橫行正道每旗前後二人騎爲二重
前引後護皆佩弓箭橫刀戎服大袍次副竿二分
左右各一人騎執次細引六重皆騎佩橫刀每重
二人自龍旗後屬于細仗稍弓箭相間箱各果毅
都尉一人主之次率更丞二人府史二人騎從領
鼓吹次誕馬十分左右執者各二人次廐牧令一
人居左丞一人居右各府史二人騎從次左右翊
府郎將二人主班劔次左右翊衛二十四人執班
劔分左右次通事舍人四人司直一人文學四人
洗馬四人司議郎二人居左太子舍人二人居右
中允二人居左中舍人二人居右左右諭德二人
左右庶子四人騎分左右皆一人從次左右衛率
府副率二人步從次親勳翊衛兩各中郎將郎將
一人皆領儀刀六行第一親衛二十三第二親
衛二十五人皆執金銅裝儀刀纁朱綬紛第三勳

衛二十七人第四勳衛二十九人皆執銀裝儀刀
綠纓紛第五翊衛三十一人第六翊衛三十三人
皆執鎗石裝儀刀紫黃纓紛自第一行有曲折三
人陪後門每行加一人至第六行八人次三衛十
八人騎分左右夾路次金路駕四馬駕王二十三
人僕手僕馭左右率府率一人執儀刀陪乘次左
右衛率府率二人夾路各一人從居供奉官後次
左右內率府率二人副率二人領細刀弓箭皆一
人從次千牛■執細刀弓箭次三衛儀刀仗後開
衙門次左右監門率府直長各六人執鎗石儀刀

騎監後門次左右德內率府廂各翊衛二隊皆騎在
執儀刀行外暨角隊各三十人騎佩橫刀一人執
旗二人引一人夾十五人執稍七人佩弓箭三人
佩弩隊各郎將一人工之次織二人執雉尾扇四
夾織次要青輦一執者八人團雉尾扇一小方雉尾
扇八以夾要青輦內直郎二人主之各令史二人騎從
次詠馬十分左右馭者各二人次典乘二人各府
史二人騎從次左右司禦率府校尉二人騎從
鎗石裝儀刀領團扇曲蓋次朱漆團扇六紫曲
六各橫行次諸司供奉次左右清道率府校尉二

人騎佩鍮石裝儀刀主大角次副路駕四馬駕士
二十二人輜車駕一馬駕士十四人四望車駕一
馬駕士十人次左右廂步隊十六毋隊果毅都尉
一人領騎三十人戎服大袍佩橫刀一人執旗二
人引二人夾二十五人佩弓箭前隊持稍與佩弓
箭隊以次相間次左右司禦率府副率各一人騎
檢校步隊二人執棨稍騎從次儀仗左右廂各六
色每色九行行五人赤綦襖冒行滕鞋轆第一戟
赤氅六人第二弓箭六人第三儀鉞駝六人第四
刀楯六人第五俄鎗五色幡六人第六油戟六人
次則儀首左右廂各六色每色三行行六人左右
司禦率府二人果毅都尉各一人主帥各六人主
之次左右廂各六色每色三行行六人左右衛率
府副率二人果毅都尉各一人主帥各六人主之
左右司禦率府主帥各六人騎護後率及副率各
一人步從廂有絳引幡一引前者六引後者六
廂各有獨揭鼓六重重一八告儀仗外仗內皆
赤綦襖冒行滕鞋轆左右司禦率府四重左右衛
率府二重次左右廂皆百五十人左右司禦率府
各八十六人左右衛率府各六十四人赤綦襖冒

主及分前後居步隊外馬隊內各司禦率府果毅
都尉一人主之各一人騎從廂各主帥七人左右
司禦率府各四人左右衛率府各三人騎分前後
次左右廂馬隊廂各十隊隊有主帥以下三十一
人戎服大袍佩橫刀騎隊有旗一執者一人引夾
冬三人皆佩弓箭前十六人持鞘七人佩弓箭三人
第一左右清道率府果毅都尉二人主之第
三第四左右司禦率府果毅都尉二人主之
第五第六第七左右衛率府果毅都尉主之第八
第九第十左右司禦率府果毅都尉二人主之皆

四均車家令率吏令詹事太僕太師少保少師又
減隊仗三之一清道儀刀謄馬皆減半乘輦車而
已二傳乘犢車導從十人太傅加清道二人皇太
子此齒簿清道率府校尉六人騎分左右為三重
佩橫刀弓箭前次青衣十人分左右次淨客舍人四
人內給使六十人皆分左右後屬內人車次偏扇
團扇方扇各十八分之右宮人執者閒練衣革帶
次行障四坐障二宮人執以夾車次典內二人騎
分左右次厭翟車駕三馬駕士十四人次閣帥二
人領內給使十八人夾車次六柱二內給使執之

檢校校尉各一人
人檢校校尉各一人
正道乘次
南嚮立
塗再
版
請軍
太子乘輿而入
嚮左庶子
左庶子版奏解嚴若常行常朝無馬隊鼓吹金路

節一夾稍二各一人騎執平巾幘大口袴緋衫吹
告止燔四傳教燔四信燔八凡燔皆緋為之署官
號篆以黃飾以鳥翅取其疾也金塗鈎竿長一丈
一尺執者服如夾稍分左右次儀仗一儀鐘六油
戟十八儀稍十細稍十執者皆絳褌冒次儀刀
十八執者服如夾稍分左右次誕馬八馭者服如
夾稍分左右次府佐六人平巾幘大口袴緋襪襠
騎持刀夾引次象路一駕四馬佐二人立侍一人
武弁朱衣革帶居左一人緋襪襠大口袴持刀居
右駕士十八人服如夾稍吹織一雉尾扇二吹朱

漆團扇四曲蓋二執者皆絳其纓冒分在右吹條
佐本服陪從吹鑿幢各一左鑿右幢吹大角鼓吹
一品齒簿有清道四人為二重懣弩一騎青衣十
人車輻十人戰九十絳引幡六刀楮弓箭稍皆八
十節二大稍二告止幡傳教幡皆二信幡六誕馬
六儀刀十六府佐四人夾行車路一駕四馬駕士
十六人繼一朱漆團扇四曲蓋二條佐本服陪從
鑿幢大角鏡吹皆備自二品至四品青衣車輻每
品減二人二品刀楮弓箭戰稍各減二十三品以
下每品減十而已二品信幡四誕馬四儀刀十四

革路駕士十四人三品亦如之儀刀十革路駕士
十一人四品五品信幡二誕馬二儀刀八木收駕
士十人自二品至四品皆有清道二人朱漆團扇
二曲蓋一懣弩一騎幡竿長丈繳一節一夾稍二
萬年縣令亦有清道二人懣弩一騎青衣車輻皆
二人戟三十告止幡傳教幡信幡皆二竿長九尺
誕馬二輅車一馬駕士六人繼朱漆團扇四曲蓋皆
一非導駕及餘四等賜初上者減懣弩車輻曲蓋
其戟亦減十內命婦夫人齒簿青衣六人偏扇團
扇皆十六執者間綵裙襦綵衣韋帶行障三坐障

二厭翟車駕二馬馭人十內給使十六人夾車從
車六乘繳雉尾扇皆一團扇一內給使執之戟六
十外命婦一品亦如之厭翟車馭人減二有從人
十六人非公主王妃則乘白銅飾犢車駕牛馭人
四無雉尾扇青衣四人偏扇團扇方扇十四行
障一坐障一翟車馭人八內給使十四人夾車四
乘戟四上外命婦二品亦如之乘白銅飾犢車青
通繡未重裘從人十四人嬖好美人才人青衣二人
偏扇團扇方扇上行障一坐障一寒軍駕二馬馭
人八內給使十人從車二乘戟二十太子良娣良

嬖承徽外命婦三品亦如之白銅飾犢車從人十
人外命婦四品青衣二人偏扇團扇方扇皆八行
障坐障皆一白銅飾犢車馭人四從人八餘同三
品唯無戟自夫人以下皆清道二人織一又有團
扇二大駕齒簿鼓吹分前後三部鼓吹令二人府
史二人騎從分左右前部搯鼓十二夾金鈺十二
大鼓長鳴皆百二十鈺鼓十二歌蕭笳次之人橫
一節鼓二笛簫箏篳篥加桃皮箏篳篥次之搯

金鈺皆十二小鼓中鳴皆百二十羽葆鼓十

二歌蕭笳次之至相風輦有搯鼓一金鈺一鼓左

鉦右至黃麾有左右金吾衛果毅都尉二人主大
角百二十橫行十重鼓吹丞二人典事二人騎從
次後部鼓吹羽葆鼓十二歌簫笳次之鏡鼓十二
歌簫笳次之小橫吹百二十笛簫屬屬簫笳桃皮屬
篋次之凡歌簫笳工各二十四人主帥四人竹管屬
箏篋桃皮屬篋工各二十四人法駕減太常樂
司徒兵部尚書白鷺軍辟惡車大輦五副路安車
四望車又減屬車四清游隊持鉞隊玄武隊皆減
四之一鼓吹減三之一小駕又減御史大夫前南
車記甲鼓車鷩鳥旗車皮軒車象革木三路耕耨車

羊車黃鉞車豹尾車屬車小輦小輿諸隊及鼓吹
減大駕之半凡鼓吹五部一鼓吹二羽葆三鏡吹
四大橫吹五小橫吹摠七十五曲鼓吹部有摠鼓
大鼓金鉦小鼓長鳴中鳴摠鼓十曲一警雷震二
猛獸駭三鷩鳥擊四龍媒蹠五雲夔吼六鷓鴣爭
七壯士怒八熊羆吼九石墜崖十波蕩屋大鼓十
五曲嚴用三曲一元麟合邏三元麟他固夜三元
麟跋至慮敬音用十二曲一元咳大至遊二阿列乾
三破達折利純四賀羽真五鳴都路跋六他勃鳴
路跋七相雷折進八元咳赤賴九赤咳赤賴十吐

咳乞物真十一負大訐十二賀粟胡真小鼓九曲
一漁陽二雞子三擊鼓四三鳴五合節六覆象七
步鼓八南陽會星九單搖皆以為嚴警言其上馬
用之長鳴一曲三声一龍吟聲二虎吼声三河聲
中鳴一曲三聲一盪七声二牙聲三送聲羽葆部十
八曲一太和二休和三七德四騶虞五基王化六
纂唐風七厭炎精八擎手皇運九躍龍飛十珍馬邑
十一興晉陽十二濟增險十三應聖期十四御宸
極十五寧兆庶十六服遐荒十七龍池十八破陣
樂鏡吹部七曲一破陣樂二上車三行車四向城

五平安六歡樂七太平八橫吹部有節鼓二十四
曲一悲風二遊絃三閒絃明君四失明君五古明
君六長樂聲七五調聲八烏夜啼九望鄉十跨鞞
十一閒君十二瑟調十三止息十四天女怨十五
楚客十六楚妃歎十七霜鴻引十八楚歌十九胡
笳聲二十辭漢二十一對月二十二胡笳明君二
十三湘妃怨二十四沈湘小橫吹部有角笛簫笳
屬葉批皮屬箎六種曲名失傳伶工謂夜警為嚴
凡大駕嚴夜警十二曲中警三曲五更嚴三遍天
子謁郊廟夜五鼓過半奏四嚴車駕至橋復奏一

嚴元和初禮儀使高郢建議罷之歷代獻捷必有
凱歌太宗平東都破宋金剛執賀魯克高麗皆備
軍容凱歌入京都然其禮儀不傳太和初有司奏
命將征討有大功獻俘馘則神策兵衛於門外如
獻俘儀凱樂用鐃吹二部笛箏篳篥加鐃鼓皆亡
二人歌工二十四人乘馬執樂陳列如鹵簿鼓吹
令丞前導分行俘馘之前將入都門鼓吹振作奏
破陣樂應聖期賀朝歡君臣同慶樂等四曲至太
社太廟門外陳而不作告獻禮畢樂作至御樓前
陳兵仗于旌門外二十步樂工步行兵部尚書介
首執鉞于旌門中路前道協律郎二人執麾門外
分導太常卿跪請奏凱樂樂闋太常卿跪奏樂畢
兵部尚書太常卿退樂工立于旌門外引俘馘入
獻及稱賀俘囚出乃退

儀衛志第十三下

車服志第十四

唐書二十四

翰林學士兼龍圖閣學士朝散大夫給事中知制誥充

史館修撰臣歐陽

脩奉

救撰

唐初受命車服皆因隋舊武德四年始著車輿衣服之令上得兼下下不得僣上凡天子之車曰玉路者祭祀納后所乘也王官玉飾木金路者饗射祀還飲至所乘也赤質金飾木象路者行道所乘也黃質象飾木革路者臨兵巡守所乘也曰質鞞以革木路者蒐田所乘也黑首漆之五路皆重輿左青龍右白虎金扇翅畫莖文鳥獸黃屋左壽懸金

鳳一鈴一在軾前纓馬十二在衡龍軸前設鞞壓青蓋
三層繡飾上設博山方鏡下圓鏡樹羽輪金根朱
班重牙左建旗十有二旒畫升龍其長曳地青繡
綢杠右載闕戟長四尺廣二尺八散文旂首金龍銜
錦結綬及綉帶垂鈴金錢方此插翟尾五焦鏤錫
鞞纓十二就旌旗蓋鞞纓皆從路質唯蓋重皆用
黃五路皆有副耕根車者耕籍所乘也青質三重
蓋餘如玉路安車者臨幸所乘也金飾重輿曲壁
紫油纁朱裏通幟朱絲絡網朱鞞纓朱覆髮具絡
加駕赤駟副路耕根車安車皆八

臨弔所乘也制如安車青油朱纁朱裏通幟朱絲絡
網又有屬車十乘一曰指南車二曰記里鼓車三
曰白鷺車四曰鸞旗車五曰辟惡車六曰皮軒車
七曰羊車與耕根車四望車女車為十乘行幸陳
于鹵簿則分前後大朝會則分左右皇后之車六
重翟車者受冊從祀饗廟所乘也青質青油纁朱
裏通幟繡紫絡帶及帷八鸞鏤錫鞞纓十二就金
錢方鈿樹翟羽朱總厭翟車者親桑所乘也赤質
紫油纁朱裏通幟紅錦絡帶及帷翟車者歸寧所
乘也黃油纁黃裏通幟白紅錦絡帶及帷三車皆金

金飾末輪畫朱牙箱飾翟羽朱絲絡網盤纓色皆
從車質安車者臨幸所乘也制如金路紫油纁朱
裏通憶四望車者拜陵弔喪所乘也青油纁朱裏
通憶金根車者常行所乘也紫油纁朱裏通憶夫
人乘厭翟車九嬪乘翟車婕妤以下乘安車外命
婦公主王妃乘厭翟車一品乘白銅飾犢車青油
纁朱裏通憶朱絲絡網二品以下去油纁絡網四
品有青偏憶皇太子之車三金路者從祀朝賀納
妃所乘也赤質金飾末重較箱畫呂文鳥獸黃屋
伏鹿軾龍輈金鳳一在軾前設鄣鹿朱黃蓋重輪

畫朱牙左建旂九旒右載隄戟旂首金龍銜結纓
及鈴纓八纓二鈴金錢方鉞樹翟尾五焦鏤錫盤
纓九就輅車者五日常服朝饗宮臣出入行道所
乘也四望車者臨弔所乘也二車皆金飾末紫油
纁朱裏通憶親王及武職一品有象路青油纁朱
裏通憶朱絲絡網二品三品有革路朱裏青通憶
四品有木路五品有輅車皆碧裏青偏憶象飾末
班輪八纓左建旂畫升龍右載闕戟革路木路左
建旒輅車曲壁碧裏青通憶諸路朱質朱蓋朱旂
朱班輪一品之壇九旒二品八旒三品七旒四品

六旒鞶纓就亦如之三品以上珂九子四品七子
五品五子六品以下去通轆及珂王公車路藏于
太僕受制行冊命巡陵昏葬則給之餘皆以騎代
車凡天子之服十四大裘冕者祀天地之服也廣
八寸長一尺二寸以板為之黑表纁裏無旒金飾
玉簪導組帶為纓色如其綬黹纁充耳大裘繒表
黑羔表為綠纁裏黑領標襟綠朱裳白紗中單皂
領青襟襖裾朱鞮赤舄鹿盧玉具劍火珠鑲首白
玉雙佩黑組大雙綬黑質黑黃赤白纁綠為純以
備天地四方之色廣一尺長二丈四尺五百首紛

廣二寸四分長六尺四寸色如綬又有小雙綬長
二尺六寸色如大綬而首半之閒施三玉環草帶
以白皮為之以為獨佩綬印草鞶裏亦白鞶帶博三
寸半加金玉鈎釧大帶以素為之以朱為裏在
腰及垂皆有裨上以朱錦貴正色也下以綠錦賤
閒色也博四寸紐約貴賤皆用青組博
繒為之隨裳色上廣一尺以象天數下廣二尺以
象地數長三尺朱質畫龍火山三章以象三才其
頸五寸兩用有肩廣二寸以屬革帶朝服謂之鞞
冕服謂之黻衮冕者踐阼饗廟征還遣將飲至

加元服納后元日受朝賀臨軒冊拜王公之服也
廣一尺二寸長二尺四寸金飾玉簪導垂白珠十
二旒朱絲組帶為纓色如綬深青衣纁裳十二章
日月星辰山龍華蟲火宗彝八章在衣藻粉米黼
黻四章在裳衣畫裳繡以象天地之色也自山龍
以下每章一行為等每行十二衣標領畫以升龍
白紗中單黻領青標襖褙取繡龍山火三章鳥加
金飾黻鬣者有事遠主之服也八旒七章華蟲火
宗彝四章在衣藻粉米黼黻四章在裳纁冕者祭
海嶽之服也七旒五章宗彝粉米在衣黼黻在裳

絺冕者祭社稷饗先農之服也六旒三章絺粉米
在衣黼黻在裳玄冕者蜡祭百神朝日夕月之服
也五旒裳刺黼一章自衮冕以下其制一也簪導
劔佩綬皆同通天冠者冬至受朝賀祭還燕羣臣
養老之服也二十四梁附蟬十二首旒珠翠金博
山黑介幘組纓翠綬玉簪導絳紗袍朱裏紅羅
裳白紗中單朱領標襖裾白裘襦絳紗蔽膝白羅
方心曲領白鞞黑烏白假帶其制垂二條為以變
祭服之大帶天子未加元服以空頂黑介幘雙童
髻雙玉導加寶飾三品以上亦加寶飾五品以上

雙玉導金飾六品以下無飾緇布冠者始冠之服也天子五梁三品以上三梁五品以上二梁九品以上一梁武弁者講武出征蒐狩大射禡類宜社賞祖罰社纂歲之服也有金附蟬平巾幘弁服者朔日受朝之服也以鹿皮爲之有攀以持髮十有二璆玉簪導絳紗衣素裳白玉雙佩革帶之後有鞶囊以盛小雙綬白鞵烏皮履黑介幘者拜殿之服也無飾白紗單衣白裘襦革帶素鞵烏皮履白紗冒者視朝聽訟宴見賓客之服也以烏紗爲之白裘襦白鞵烏皮履平巾幘者乘馬之也金飾

玉簪導冠支以玉紫褶白袴玉具裝珠寶鈿帶白靴白恰者臨喪之服也白紗單衣烏皮履皇后之服三褱衣者受冊助祭朝會大事之服也深青織成爲之畫畫章亦質五色十二等素紗中單黼領朱羅縠標襪蔽膝隨裳色以緞領爲綬用翟爲章三等青衣畫帶大帶隨衣色禪紐約佩綬如天子青鞵烏加金飾鞵衣者親蠶之服也黃羅爲之不畫蔽膝大帶革帶烏隨衣色餘同禱衣鈿釵檀衣者燕見賓客之服也十二鈿服用雜色而不畫加雙佩小綬去烏加復首飾大小華十二樹以象袞冕

之旒又有兩博鬢皇太子之服六袞冕者從祀謁
廟加元服納妃之服也白珠九旒紅絲組為纓犀
簪導青纒充耳黑衣纁裳凡九章龍山華蟲火宗
彝彝在衣藻粉米黼黻在裳白紗中單黼領青標襪
裾革帶金鉤釤大帶瑜玉雙佩朱組雙大綬朱質
赤白纁紺為純長一丈八尺廣九寸三百二十首
黻隨裳色有火山二章白鞮赤烏朱履加金塗銀
釵飾鹿盧玉具劔如天子遠遊冠者謁廟還宮元
日朔日入朝釋奠之服也以具服遠遊冠三梁加
金博山附蟬九首施珠翠黑介憤髮纓翠絞犀簪

導絳紗袍紅裳白紗中單黑領標襪裾白裘襦白
假帶方心曲領絳紗蔽膝白鞮黑舄朔日入朝通
服絳褶公服者五日常朝元日冬至受朝之服也
遠遊冠絳紗單衣白裘襦革帶金鉤釤假帶瑜玉
雋鷹方心紛金釤盤纁裳純長六尺四寸廣二寸四
分色如大綬烏紗質者視事及燕見賓客之服也
白裘襦烏皮履弁服者朔望視事之服也鹿皮為
之犀簪導組纓九璆絳紗衣素裳革帶盤纁囊小纒
雙佩白具服以下皆白鞮烏皮履平巾憤者乘馬
之服也金飾犀簪導紫裾白袴起梁珠寶無帶鞮

進德冠者亦乘馬之服也九璆如金飾有袴褶常服則有白袞襦皇太子妃之服有三榆翟者受冊助祭朝會大事之服也青織成文爲搖翟青質五色九寺素紗中單黼領朱羅縠標標蔽膝隨裳色用緞爲領緣以翟爲章二等青衣章帶大帶隨衣色不朱裏青鞮爲加金飾佩綬如皇太子鞠衣者從翟之服也以黃羅爲之制如榆翟無雉蔽膝大帶隨衣色鈕釵禮衣者燕見賓客之服也九釵其服用雜色制如鞠衣加雙佩小綬去鳥加翟首飾花九樹有兩博鬋君羣臣之服二十有一袞冕者一

品之服也九旒青璆爲珠貫二，赤玉以組爲纓色如其綬青纁充耳寶飾角簪道 青衣纁裳九章龍山華蟲火宗彝在衣藻粉米黼 蔽在裳皆絳爲繡遍衣白紗中單黼領青標襜褕 朱鞮赤鳥革帶鈎釧大帶散隨裳色金寶玉飾鈎鏤首山玄玉佩綠纁綬綠質綠紫黃赤爲純長一丈八尺廣九寸二百四十首郊祀太尉攝事亦服之鷩冕者二品之服也八旒青衣纁裳七章華蟲火宗彝在衣藻粉米黼黻在裳銀裝劔佩水蒼玉紫綬紫質紫黃赤爲純長一丈六尺廣八寸一百八十首革帶之後

有金縷鞶囊金飾劔水蒼玉佩朱鞮赤舄毳冕者
三品之服也七旒寶飾角簪道五章宗彝藻粉米
在衣黼黻在裳鞞一章山火紫紱如二品金銀縷
鞶囊金飾劔水蒼玉佩朱鞮赤舄絺冕者四品之
服也六旒三章粉米在衣黼黻在裳中單青領鞞
山一章銀縷鞶囊自三品以下皆青紱青質青白
紅為純長一丈四尺廣七寸一百四十首金飾劔
水蒼玉佩朱鞮赤舄玄冕者五品之服也以羅為
之五旒衣鞞無章裳刺黻一章角簪道青衣纁裳
箕服用紬大帶及裨外黑內黃黑紱紺質青紱

純長一丈二尺廣八寸一百二十首象笏上圓下
方六品以竹木在下方金飾劔水蒼玉佩朱鞮
赤舄三品以下弁皆服之平冕者郊廟武舞郎
之服也黑衣絳裳革帶烏皮履爵弁者六品以下
九品以上從祀之服也以紬為之無旒黑纓角簪
道青衣纁裳白紗中單青領標撰裾革帶鈎鞞大
帶及裨內外皆緇爵鞮白鞮赤履五品以上私祭
皆服之武弁者武官朝參殿庭武舞郎堂下鼓人
鼓吹按工之服也有平巾幘武舞緜絲布大襲白
練襜褕騰蛇起梁帶豹文大口絳舄皮鞮鼓人朱

構衣革帶烏皮履鼓吹按工加白練襍襠弁服者
文官九品公事之服也以鹿皮為之通用烏紗牙
篋道纓一品九璆二品八璆三品七璆四品六璆
五品五璆系犀篋道皆朱衣素裳革帶盤革囊小綬
雙佩白鞵烏皮履六品以下去璆及鞵囊綬佩六
品七品綠衣八品九品青衣進賢冠者文官朝參
三老五更之服也黑介幘青綾紛長六尺四寸黃
四寸色如其綬三品以上三梁五品以上兩梁九
品以上及國官一梁六品以下私祭皆服之侍中
尚書令左右散騎常侍有黃金璫附蟬貂尾侍左

者左珥侍右者右珥諸州大中正一梁絳紗公服
殿庭文舞郎黃紗袍黑領襪白練襍襠白布大口
絳革帶烏皮履遠遊冠者親王之服也黑介幘三
梁青綾金鈎釧大帶金寶飾劔玉鏢首纁朱綬朱
質赤黃纁紺為純長一丈八尺廣九寸二百四十
首黃金璫附蟬諸王則古法冠者御史大夫中丞
御史之服也一名解廌冠高山冠者內侍省內謁
者親王司閤謁者之服也委貌冠者郊廟文舞郎
之服也有黑絲布大裘白練領標絳布大口絳革
帶烏皮履却非冠者亭長門僕之服也平巾幘者

武官衛官公事之服也金飾五品以上兼用玉大口袴烏皮鞞白練裘襦起梁帶陪大仗有襜褕騰蛇朝集從事州縣佐史岳瀆祝史外州品子庶民任掌事者服之有緋褶大口綺紫附構文武官騎馬服之則去襜褕騰蛇袴褶之制五品以上細綾及羅爲之六品以下小綾爲之三品以上紫五品以上緋七品以上綠九品以上碧襜褕之制一當胷一當背短褰覆膊騰蛇之制以錦爲表長八尺中實以綿象蛇形起梁帶之制三品以上玉梁寶鈿五品以上金梁寶鈿六品以下金飾隱起而已

黑介幘者國官視品府佐謁府國子大學四門生俊士參見之服也鏡道白紗單衣青襟襪領革帶烏皮履未冠者冠則空頂黑介幘雙童髮去革帶書筭律學生兩縣學生朝參則服烏紗冒白裘襦青領未冠者童子髮介幘者流外官行署三品以下登歌工人之服也絳公服以纓緋爲之制如絳紗單衣方心曲領革帶鈎緋假帶鞞烏皮履九品以上則絳構衣制如絳公服而狹褰形直如溝不垂緋褶大口綺紫附構去方心曲領假帶登歌工人朱連裳革帶烏皮履殿庭加白練襜褕平巾綠

唐書中服志十四
十一
饋者尚食局主膳典膳局典食太官署食官署供膳奉饌之服也青絲布綺褶羊車小史五瓣髻紫碧雲鬘青耳履漏刻生漏童摠角髻皆青絲布綺褶具服者五品以上陪祭朝饗拜表大事之服也亦曰朝服冠饋簪道緋紗單衣白紗中單黑領裏黑襖襪裾白裘襦革帶金鈎釧假帶曲領方心絳紗蔽膝白鞮烏皮烏紉紛鞞囊雙佩雙綬六品以下去劔佩綬七品以上以白筆代替八品九品去白筆白紗中單以覆心烏從省服者五品以上公事焚望朝謁見東宮之服也亦曰公服冠饋纓簪

導絳紗單衣白裘而革帶鈎釧假帶方心鞮履紛鞞囊雙佩烏皮履六品以下去紛鞞囊雙佩三品以上有公爵者嫡子之婚假絳冕五品以上子孫九品以上子爵并庶人婚假絳公服命婦之服六翟衣者內命婦受冊從蠶朝會外命婦嫁及受冊從蠶大朝會之服也青質繡翟編次於衣及裳重為九等青紗中單黼領朱縠標襪裾蔽膝隨裳色以緞為領緣加文繡重雉為章二等大帶隨衣色以青衣革帶青鞮烏佩綬兩博鬢飾以寶鈿一品翟九等花釵九樹二品翟八等花釵八樹三品翟

七等花釵七樹四品翟六等花釵六樹五品翟五等花釵五樹寶釵視花樹之數釵釵禮衣者內命婦常參外命婦朝參辭見禮會之服也制同翟衣加雙佩小綬去烏加覆一品九釵二品八釵三品七釵四品六釵五品五釵禮衣者六尚寶林御女采女女官七品以上大事之服也通用雜色制如細釵禮衣唯無首飾佩綬公服者常供奉之服也去中單蔽膝大帶九品以上大事常供奉亦如之半袖褙襦者東宮女史常供奉之服也公主王妃佩綬同諸王花釵禮衣者親王納妃所給之服也

大襲連裳者六品以下妻九品以上女嫁服也青質素紗中單蔽膝大帶革帶鞮履同裳色並釵覆笄兩搏鬢髮以金銀雜寶飾之庶人女嫁有花釵以金銀留璃塗飾之連裳青質青衣革帶鞮履同裳色婦人燕服視夫百官女嫁朝見攝母服五品以上媵降妻一等妾降媵一等六品以下妾降妻一等天子有傳國璽及八璽皆玉為之神璽以鎮中國藏而不用受命璽以封禪禮神皇帝行璽以報王公書皇帝之璽以勞王公皇帝信璽以召王公天子行璽以報四夷書天子之璽以勞四夷天子

信璽以召兵四夷皆泥封大朝會則符璽郎進神
爾璽受命璽于御座行幸則合八璽為五輦函封從
于黃鉞之內太皇太后皇太后皇太子及妃
璽皆金為之藏而不用太皇太后皇太后封令書
以宮官印皇后以內侍省印皇太子以左春坊印
妃以內坊印初太宗刻受命玄璽以白玉為螭首
文曰皇天景命有德者昌至武后改諸璽皆為寶
中宗即位復為璽開元六年復為寶天寶初改璽
書為寶書十載改傳國寶為承天大寶初高祖入
長安罷隋竹使符班銀龜符其後改為銅魚符以

起軍旅易守長京都留守折衝府捉兵鎮守之所
及左右金吾宮苑總監牧監皆給之畿內則左二
右一畿外則左五右一左者進內右者在外用始
第一周而復始宮殿門城門給交魚符巡魚符左
廂右廂給開門符閉門符亦左符進內右符監門
掌之蕃國亦給之雄雌各十二銘以國名雄者進
內雌者付其國朝貢使各齎其月魚而至不合者
劾奏傳信符者以給郵驛通制命皇太子監國給
雙龍符左右皆十兩京北都留守給麟符左二十
右十九東方諸州給青龍符南方諸州朱雀符西

方諸州驕虞符北方諸州玄武符皆左四右三左
者進內右者付外行軍所亦給之隨身魚符者以
明貴賤應召命左二右一左者進內右者隨身皇
太子以玉契乃勸合乃赴親王以金珽官以銅皆
題某位姓各官有貳者加左右皆盛以魚袋三品
以上飾以金五品以上飾以銀刻姓名者去官納
之不刻者傳佩相付有傳符銅魚符者給封符印
發鐸封符及封魚函用之有銅魚而無傳符者給
封函還符封函用之天子巡幸則京師東都留守
給留守印諸司從行者給行從印木契符者以重

鎮守慎出納畿內左右皆二畿外左右皆五皇帝
巡幸太子監國有軍旅之事則用之王公征討皆
給焉左右各十九太極殿前刻漏所亦以左契給
之右以授承天門監門晝夜勘合然後鳴鼓玄武
門苑內諸門有喚人木契左以進內右以授監門
有勅召者用之魚契所降皆有勅書尚書省符與
左同乃用大將出賜旌以顯賞節以顯殺旌以絳
帛五丈粉畫虎有銅龍一首纏紉幡紫縑為袋油
囊為表節懸畫木盤三相去數寸隅垂赤麻餘與
旌同高宗給五品以上隨身魚銅袋以防召命之

詠出內必合之三品以上金飾袋垂拱中都督刺
史始賜魚天授二年改佩魚皆爲龜其後三品以
上龜袋飾以金四品以銀五品以銅中宗初罷龜
袋復給以魚郡王嗣王亦佩金魚袋景龍中令特
進佩魚散官佩魚自此始也然貞外試檢校官猶
不佩魚景雲中詔衣紫者魚袋以金飾之衣緋者
以銀飾之開元初駙馬都尉從以五品者假紫金魚
袋都督刺史品卑者假緋魚袋以五品以上檢校試
判官皆佩魚中書令張嘉貞至致仕者佩魚終身
自是百官賞緋紫必兼魚袋如芝章服當時服朱

紫佩魚者衆矣初隋文帝聽朝之服以赭黃文綬
袍烏紗冒折上中六合鞞與百官通服唯天子之
帶有十三鐶文官又有平頭小樣巾百官常服同
於庶人至唐高祖以赭黃袍巾帶爲常服罽帶者
摺垂頭於下名曰鉞尾取順下之義一品二品鈿
以金六品以上以犀九品以上以銀庶人以鐵旣
而天子袍衫稍用赤黃遂禁臣民服親王及三品
二王後服大科綾羅色用紫飾以玉五品以上服
小科綾羅色用朱飾以金六品以上服絲布交梭
雙紉綾色用黃六品七品服用綠飾以銀八品九

品服用青飾以鍤石勳官之服隨其品而加佩刀
礪紛悅流外官庶人部曲奴婢則服紬絹純布色
用黃白飾以鉄銅太宗時又命七品服龜甲雙匡
十花綾色用綠九品服綠布雜綾色用青是時士
人以棠苧襪衫爲上服貴女功之始也一命以黃
再命以黑三命以纁四命以綠五命以紫士服短
褐庶人以白中書令馬周上議禮無服衫之又三
代之制有深衣請加襪袖襪襪爲士人上服開箭
者名曰垂髻衫庶人服之又請裏頭者左右各三
攝以象三才重繫前胸以象一儀詔皆從之太尉

長孫无忌又議服袍者下加襪緋紫綠皆視其品
庶人以白太宗嘗以僕頭起於後周便武事者也
方天下偃兵採古制爲翼善冠自服之又製進德
冠以賜貴臣玉纂制如弁服以金飾梁花趺三品
以上加金絡五品以上附南雲自是元日冬至朔
望視朝服翼善冠衣白練褰襦常服則有袴褶與
平巾幘通用翼善冠進德冠制如僕頭皇太子乘
馬則服進德冠九纂加金飾犀簪導亦有綺褶燕
服用紫其後朔望視朝仍用弁服顯慶元年長孫
无忌等曰武德初撰衣服令天子祀天地服大裘

冕校周效被裘以象天戴冕藻十有二旒與大裘
 異月令孟冬天子始裘以禦寒若啓蟄祈穀冬至
 報天服裘可也季夏迎氣龍見而雩如之何可服
 故歷代唯服裘章漢明帝始采周官禮記制祀天
 地之服天子備十二章後魏周隋皆如之伏請郊
 祀天地服裘冕罷大裘又新禮皇帝祭社稷服絺
 冕四旒三章祭日月服玄冕三旒衣無章按令文
 四品五品之服也三公亞獻皆服裘孤卿服毳鷩鳥
 是天子同於大夫君少臣多非禮之中且天子十
 二為節以法天鳥有四旒三章之服若諸臣取祭

冕與王同是貴賤無分也若降王一等則王服玄
 冕君蓋臣服爵弁既祭天子又賤公卿周禮此文久
 不用矣猶祭祀之有尸侑以君親而拜臣子誓族
 姻氏之職不通行者蓋多故漢魏承用裘冕今新
 禮親祭日月服五品之服請循歷代故事諸祭皆
 用裘冕制曰可无忌等之曰禮皇帝為諸臣及五
 服親饗哀素服今服白袷禮令乘舛且白袷出近
 代不可用乃改以素服自是鷩冕以下天子不復
 用而白袷廢矣其後以紫為三品之服金玉帶鑄
 十二緹為四品之服金帶鑄十一淺緹為五品之

服金帶銙十 深綠為六品之服 淺綠為七品之服
皆銀帶銙九 深青為八品之服 淺青為九品之服
皆銅帶銙八 黃為九品之服 及庶人之服 銅帶銙
銙七 武后擅政多賜羣臣巾之 繡袍勒以回文之
銘皆無法度不足紀 至中宗又賜百官 奕王踏樣
巾其製高而帶在 清時冠也 其後文官以紫黑
絕為巾賜供奉官及 諸司長官則有羅巾 圓頭巾
子後遂不改初職事官 二品以上賜金裝刀 礪石
一品以下則有手中 差衣佩刀 礪石至睿宗時罷
佩刀礪石而武官五品 以上佩鞬鞞七事 佩刀刀
子礪石契必貞 噉厥劍筒火右是也 時皇太子將
釋奠有司草儀注 從臣皆乘馬 著衣冠左庶子 劄
子玄議曰古大夫 乘車以馬為駢 服魏晉朝士 駕
牛車如李廣比 征解鞍 息馬援前伐 據鞍顧盼
則鞍馬行於軍旅 戎服所便 江左尚書郎 乘馬則
御史治之類 延年罷官騎馬 出入世 獨放誕 近古
專車則衣朝服 單馬則衣 褻服 皇家必 謁陵廟 毋
命王公則 盛服冠履 乘路車 士庶有以 衣冠親迎
者亦時服 箱其餘貴賤 皆以騎代 車比者法 駕所
幸侍臣朝服 乘馬今既 舍車而冠 履不易何 者露

衣博帶華履高冠車中之服也鞮而銜跣而乘非
唯不古亦自取驚蹶議者以祕閣梁南郊圖有衣
冠乘馬者此圖後人所為也古今圖畫多矣加畫
羣公祖二踈而有曳芒屨者畫昭君入匈奴而婦
人有施帷冒者夫芒屨出於水鄉非京華所有惟
冒創於隋代非漢宮所用豈可因二畫以為故實
乎謂乘馬衣冠宜省太子從之編于令開元初將
有事南郊中書令張說詩述古制用大裘乃命有司
製二冕玄宗以大裘幘略不可通寒暑廢而不
服自是元正朝會用衮冕通天冠百官朔望朝參

外官衙日則佩箠袋餘日則否玄宗謁五陵初用
素服朔望朝謁用常服并服翼善冠皆廢唐初嘗
朱紫者服於軍中其後軍將亦賞以假緋紫有從
戎缺騎之服不在軍者服長袍或無官而冒衣
綠有詔殿中待御史糾察諸衛大將軍中郎將以下
給袍者皆易其繡文千牛衛以瑞牛左右衛以瑞
馬驍衛以虎武衛以鷹威衛以豹領軍衛以白澤
金吾衛以辟邪行六品者冠去璆珠五品去擊囊
雙佩幘頭用羅縠婦人服從夫子五等以上親及
五品以上母妻服紫衣翬袴標綠用錦繡九品以上

母妻服朱衣流外及疾人不服綾羅縠五色線韉履凡襪色衣不過十二破渾色衣不過六破二十五年御史大夫李適之建議冬至元日大禮朝奏官及五品清官服朱衣六品以下通服絳緡天寶中御史中丞吉溫建議京官朔望朝衣朱絳褶五品以上有珂傘德宗嘗賜節度使時服以鵬銜紋帶謂其行列有序牧人有威儀也元和十二年太子少師鄭餘慶言百官朝服者多誤自今唯職事官五品兼六品以上散官者則有佩劍綴其餘皆省初婦人施纂羅以蔽身永徽中始用帷冒施

翬及頸坐檐以代乘車命婦朝謁則以坐馳駕車數下詔禁而不止武后時帷冒益盛中宗後乃無復纂羅矣官人從駕皆胡冒乘馬海內效之至露露髻馳騁而帷冒亦廢有衣男子衣而靴如奚契丹之服武德間婦人曳履及線靴開元中初有線鞋侍兒則著履奴婢服襪衫而士女衣胡服其後安祿山反當時以爲服妖之應巴蜀婦人出入有兜籠乾元初蕃將又以兜籠易負遂以代車文宗即位以四方車服僭奢下詔準儀制令品秩勳勞爲等級職事官服綠青碧勳官諸司則佩刀礪紛悅諸

親朝賀宴會之服一品二品服王及通奉三品服
花傘班傘車馬無飾金銀衣曳地不過二寸袖不
過一尺三寸婦人裙裳不過五幅曳地不過三寸襦
袖不過一尺五寸袍襖之制三品以上服綾以鶻
銜瑞草鴈銜綬帶及雙孔雀四品五品服綾以地
黃交枝六品以下服綾小窠無文及鶻織獨織一
品準從以七騎二品三品以五騎四品以三騎五
品以二騎六品以一騎五品以上及節度使冊拜
婚會兵車有憶外命婦一品二品三品乘金銅飾
犢車檐舁以八人三品舁以六人四品五品乘白

銅飾犢車檐舁以四人胥吏商賈之妻老者乘善
輦車兜籠舁以二人度支戶部監鐵門官等服紵
葛布無紋綾綠闇銀監鐵帶鞍轡銜鏡以鍮石末
有官者服籠葛布官地綠銅鐵帶乘蜀馬鐵鎧行
官服紫籠布純藍鐵帶中官不衣紗縠綾羅諸司
小兒不服大中商賈庶人僧道士不乘馬婦人衣
青碧類平頭小花草履彩帛纓成履而禁高髻陰
粧去眉開額及吳越立頭草履王公之居不施重
棋藻井三品堂五間力架門三間五架五品堂五
間七架門三間兩架六品七品堂三間五架庶人

四架而門皆一開兩架常參官施懸魚對鳳瓦獸
通楸乳梁詔下人多怨者京兆尹杜棕條易行者
為寬限而事遂不行唯淮南觀察使李德裕令管內
婦人衣襲四尺者闊一尺五寸裙曳地四五寸者
減三寸開成未定制宰相三公師保尚書令僕射
諸司長官及致仕官疾病許乘擔如漢魏載輿步
輿之制三品以上官及刺史有疾斬只乘不得舍驛

車服志第十四



